

REPUBULIKA Y' U RWANDA



MINISITERI Y' UBUTABERA INAMA NKURU Y'UBUSHINJACYAHA P.O. BOX 160 KIGALI

ITANGAZO RY' IBYEMEZO BY' INAMA NKURU Y' UBUSHINJACYAHA /PRESS RELEASE

None ku wa 28/03/2022, mu cyumba cy'inama cya Minisiteri y' Ubutabera, habereye, inama y' Inama Nkuru y' Ubushinjacyaha yayobowe na Minisitiri w' Ubutabera / Intumwa Nkuru ya Leta akaba na Perezida w' Inama Nkuru y' Ubushinjacyaha Dr. UGIRASHEBUJA Emmanuel.

Nyuma yo kungurana ibitekerezo no kwemeranywa ku ngingo zari ku murongo w' ibyigwa; inama yemeje imyanzuro ikurikira:

1. Inama yemeje inyandikomvugo y' inama y' Inama Nkuru y'Ubushinjacyaha yateranye tariki ya 29/11/2021 imaze kuyikorera ubugororangingo;
2. Inama yashyize abagize Inama Nkuru y'Ubushinjacyaha muri komisiyo zihoraho zikurikira:
 - a) Komisiyo ishinze imyitwarire y'Abashinjacyaha n'Abafasha b'Ubushinjacyaha Bukuru;
 - b) Komisiyo ishinze umwuga w'Abashinjacyaha n'Abafasha b'Ubushinjacyaha Bukuru;
 - c) Komisiyo ishinze imikorere y'Ubushinjacyaha Bukuru.
3. Inama yagejejweho ibirego biregwa abashinjacyaha bakurikiranyweho amakosa anyuranye n' imyitwarire ikwiye kuranga umushinjacyaha, ifata umwanzuro wo kubishyikiriza komisiyo ishinze imyitwarire y' abashinjacyaha ikazabisuzuma, ikazageza imyanzuro yayo ku Nama Nkuru y' Ubushinjacyaha.

4. Inama yagejejweho imishinga y'amategeko ikurikira isaba komisiyo zibishinzwe kuyinoza mbere y'uko ishyikirizwa inteko rusange kugira ngo izayitangeho ibitekerezo:

a)Amategeko ngengamikorere y'Ubushinjacyaha Bukuru;

b)Amategeko ngengamikorere y'Inama Nkuru y'Ubushinjacyaha;

c)Itegeko rigena Sitati y' Abashinjacyaha, Abagenzuzi, Abafasha b'Ubushinjacyaha n'abandi bakozi bo mu Bushinjacyaha Bukuru;

d)Itegeko rigena imyitwarire y'Abashinjacyaha, Abagenzuzi, Abafasha b' Ubushinjacyaha n' abandi bakozi bo mu Bushinjacyaha Bukuru.

5. Inama yamenyeshejwe ibikorwa by'ingenzi byagezweho n' Ubushinjacyaha Bukuru mu bihembwe bitatu (03) bishize, inagezwaho umushinga w'ingengo y'imari yagenewe Ubushinjacyaha Bukuru mu mwaka w' 2022-2023.

6. Inama yamenyeshejwe amazina y' abashinjacyaha batatu (3) basabye kandi bemererwa kujya mu kiruhuko cy' izabukuru. Inama yasabye ko hazategurwa umunsi wo kubasezeraho.

7. Inama yamenyeshejwe amazina y' abafasha b'Ubushinjacyaha Bukuru babiri (2) basabye kandi bemererwa guhagarika akazi.

8. Nyuma yo kugezwaho abatsinze ibizami ku myanya itandukanye basabye, Inama Nkuru y' Ubushinjacyaha yemeje urutonde rw'abatsinze bazasabirwa kugirwa abashinjacyaha n'abazasabirwa kugirwa abafasha b' Ubushinjacyaha Bukuru.

Inama yatangiye saa yine za mu gitondo (10h00) isoza saa saba n'iminota mirongo itatu n'itanu (13h35).

Bikorewe i Kigali, ku wa 28/03/2022